



## KOMUNIKADU BA IMPRENSA

27 de Janeiro de 2022, 15H00.

(Dra. Odete da Silva Viegas, Cordenadora Geral Surto Covid-19, Ministerio da Saúde/DGPS)

Ohin, 27 de Janeiro de 2022, hodi Cordenadora Geral Surto Covid-19, Ministerio da Saúde Timor-Leste nia naran, hakarak hato'o ba jornalista, no ba públiku tomak, informasaun hanesan tuir mai:

### I. PONTU IMPORTANTE LORON OHIN NIAN:

- ✓ *Númeru kazu detetadu foun 15 (taxa positividade: 1,1). Total kazu rekuperadu 0.*
- ✓ *Emá ne'ebé hala'o tratamentu ospitalizadu nain 3. Óbitu 0 (zero).*
- ✓ *Munisipiu 11 ho RAEOA la iha ona kazu ativu & munisipiu 1 sei iha kazu esporádiku (haré dados Tabela 1).*
- ✓ *Kobertura vasina kompletu (doze 2) iha Timor-Leste tomak, foin maka 70.6%.*

### II. EVOLUSAUN SURTU COVID 19 IHA TIMOR-LESTE.

Tabela 1: dados evolusaun surtu Covid-19 iha Timor-Leste, husi 22 de Marsu 2020 to'o 27 de Janeiro de 2022.

Nº	MUNISIPIU	KAZU DETETA- DU FOUN IHA 24 ORAS IKUS	MÉDIA INSIDÉNSIA KADA LORON PUR 100 MIL ABITANTES (Loron 7 ikus)	KAZU REKUPERA- DU IHA 24 ORAS IKUS	KAZU ATIVU	KUMULATIVU REKUPERADU	KUMULATIVU KAZU KONFIRMADU	ÓBITU IHA 24 ORAS IKUS	KUMU- LATIVU ÓBITU	KLASIFIKASAUN TRANSMISSAUN (Tuir klasifikasaun transmissaun OMS nian)
1	AILEU	0	0,0	0	0	125	126	0	1	La iha kazu ativu
2	AINARO	0	0,0	0	0	224	227	0	3	La iha kazu ativu
3	BAUCAU	0	0,0	0	0	1.535	1.542	0	7	La iha kazu ativu
4	BOBONARO	0	0,0	0	0	605	614	0	9	La iha kazu ativu
5	COVALIMA	0	0,0	0	0	787	790	0	3	La iha kazu ativu
6	DILI	15	1,1	0	32	13.680	13.793	0	81	Kazu esporádiku
7	ERMERA	0	0,0	0	0	1.111	1.113	0	2	La iha kazu ativu
8	LAUTEM	0	0,0	0	0	179	184	0	5	La iha kazu ativu
9	LIQUIÇA	0	0,0	0	0	124	125	0	1	La iha kazu ativu
10	MANATUTO	0	0,0	0	0	201	203	0	2	La iha kazu ativu
11	MANUFAHI	0	0,0	0	0	265	265	0	0	La iha kazu ativu
12	RAEOA	0	0,0	0	0	390	393	0	3	La iha kazu ativu
13	VIQUEQUE	0	0,0	0	0	514	519	0	5	La iha kazu ativu
	<b>TOTAL</b>	<b>15</b>	<b>0,3</b>	<b>0</b>	<b>32</b>	<b>19.740</b>	<b>19.894</b>	<b>0</b>	<b>122</b>	

### III. DADUS JERAL HUSI TIMOR-LESTE LARAN TOMAK:

- 1) Kazu **detetatu foun** ne'ebé relata ohin dia 27 de Janeiro de 2022: **15.**( **Vijilansia Sentinela, mass screening, contact tracing no pasiente HNGV**)
- 2) **Kazu recuperadu** ne'ebé relata ohin, dia 27 de Janeiro de 2022: **0.**
- 3) Total **kazu ativu** ohin, dia 27 de Janeiro de 2022: **32.**
- 4) Total **kazu konfirmadu kumulativu** iha 27 de Janeiro de 2022 (sura husi 21 Marsu 2020): **19.894.**
- 5) **Total óbitu** ne'ebé relata ohin, 27 de Janeiro de 2022: **0** (zero).
- 6) Husi horiseik mai ohin, dia 27 de Janeiro de 2022, hamutuk hotu Laboratóriu Nasionál Saúde halo **254 testes PCR iha Dili**, ho detalles hanesan tuir mai:
  - a) **Vijilánsia sentinela:0.**
  - b) **Rastreiu ba kontaktu (Contact tracing):28.**
  - c) **Rastreiu Aleatóriu (Random Screening):88.**
  - d) **Viajen internasionál:135.**
  - e) **Follow up iha quarentena:3.**
- 7) Total testes PCR ne'ebé halo horiseik, dia 26 de de Janeiro, iha Munisipiu sira seluk , REAOA & HNGV, hamutuk **101** ho detalle hanesan tuir mai: **(a) Baucau:9; (b) Ermera:0; (c) Maliana:10; (d) Maubisse:3; (e) RAEOA:6; (f) Suai:11; (g) Viqueque:0; (h) Lospalos:0; (i) HNGV:62; (j) Vera Cruz:0.**  
  
**Total teste PCR iha oras 24 ikus 355 Ida ne'e hatudu taxa positividade 1.1** (iha semana kotuk, 20 de Janeiro, taxa positividade: **0.1%**).
- 8) **Vasina ne'ebé fo'o ona ba populasaun elijivel** (tinan 18 ba leten), to'o ohin dader 10H00, dia 27 de Janeiro de 2022 (tuir Sistema Informasaun Saúde iha Ministériu Saúde):

Grafiku n<sup>o</sup>1 - Progresu vasina hasoru Covid-19 iha Timor



**N.B:** *atu bele hetan imunidade grupu ka "herd immunity", hodi bele satan transmisaun virus corona iha populasaun nia le'et, **pelu menus 70% husi populasaun Timor-Leste tenki hetan vasina kompletu/ka doze rua.***

#### IV. TAXA INSIDÉNSIA SURTU COVID 19 IHA TIMOR-LESTE

Atu bele hatene surtu ida ninia evolusaun, no mós surtu ne'e aumenta ka diminui, **indikador ida** ne'ebé matenek-nain epidemiolojia sira uza, maka **insidénsia**. Konvensionalmente insidénsia sukat **total kazu foun, kada loron, pur 100 mil habitantes, no hatudu risku ne'ebé populasaun iha atu hetan da'et moras ida.**

Gráfiku nº2: kazu detetadu foun kada loron iha Timor-Leste tomak, pur Munisipiu & RAEOA.





Tabela 1 ho Gráfiku Nº2 iha leten hatudu katak média (rata-rata) ohin, insidénsia Covid-19 iha Timor-Leste, durante loron 7 ikus maka **0,3/100 mil abitantes** (iha semana kotuk, 20 de Janeiro: 0,1/100 mil abitantes), enkuantu ba deit **Munisipiu Dili 1,1/100 mil abitantes** (iha semana kotuk, 20 de Janeiro: 0,2/100 mil abitantes).

## V. INFORMASAUN KONA-BÁ OSPITALIZASAUN

1. Iha dia 27 de Janeiro de 2022, izolamentu Vera Cruz, Lahane, HNGV no fatin seluk iha territóriu laran tomak, halo tratamentu ospitalizadu ba kazu detetadu pozitivu Zero 3 (iha semana kotuk, 20 de Janeiro: 0), ho detalle hanesan tuir mai:
  - a) **Moderado 0** (Zero);
  - b) **Leve 3** (Tolu)



Gráfiku nº 3: Total kazu pozitivu hirak ne'ebé baixa ospital kada loron & kumulativu



2. Koluna kór verde hatudu kazu leve, moderadu no grave ne'ebé baxa kada loron iha facilidade izolamentu Vera Cruz, Lahane, HNGV & fatin seluk iha Timor-Leste laran tomak.
3. Liña azul iha gráfiku ne'e, hatudu número kumulativu kazu leve, moderadu no grave ne'ebé baixa iha Vera Cruz Lahane, HNGV & fatin seluk iha Timor-Leste laran tomak

### **INFORMASAUN ADISIONÁL**

1. Informa bá públiku katak hahú 30 de Setembro 2021, Governu hakotu ona serka sanitária iha munisípiu Dili. Nune'e, sidadaun sira bele ona sirkula livremente sai/ka tama Munisípiu Dili, maibé tenki nafatin kupri regra prevensaun & ijiéne pessoal hanesan: uza máskara, fase liman bebeik ho bé no sabaun ka ho dezinfetante ruma, mantein distánsia minimu metru ida ho balun, evita halibur malu barak, informa mos ba Público katak Estado emergencia hakotu ona iha 28 de Novembro de 2021.
  
2. Hakarak Hato'ó mos Katak ema nebe tama husi Estrangeiro ho Vascina dala Rua (2) ou Completa, hein depois de 48 Horas teste PCR Negativo Mak Foin bele Lao Livre, no Ba Sira nebe'e Vasina dala 1 ou la Kompleta no mos ba Sira nebe Sedauk Vasina sei Halao Karantina to 14 dias Hafoin teste PCR Negativo mak Foin Sai no Lao Livre.
  
3. Hakarak hato'ó mos ba populasaun sira hotu katak relasiona ho variante foun **Omicron** ne'ebe agora dadaun regista ona iha Nasaun vizinho sira, tan ne'e husu nafatin ba ita hotu atu kontinua mantem medidas prevensaun sira.
  
4. Aproveita hato'ó mós ba públiku katak, fatin atu halo teste PCR maka hanesan tuir mai:
  - Wainhira sente moras isin-manas, mear, kakorok moras ka sintoma seluk tan: **bele ba konsulta iha Sentru Saúde ka ospital ne'ebé besik, atu bele halo swab.**
  - Wainhira sente katak sai kontaktu-besik ba ema ruma ne'ebé detetau pozitivu ona, no seidauk hetan kontaktu husi ekipa konjunta saúde: **bele liga ba numeru 119 ka Responsavel Vigilancia Epidemiologia ho numeru 78234000** atu organiza oin sá foti swab.

## VI. APELU

1. Apela ba populasaun iha Dili laran no mós iha Munisipiu sira seluk, atu apresenta-an iha facilidade públiku saúde (Sentru Saúde ka Ospital) ne'ebé besik, wainhira sente isin-manas, ka kakorok moras, ka inus-ben, ka mear, hodi bele hetan atendimentu husi profesionál saúde sira. Wainhira sedu liu hatene se virus ne'e kona ita ka la'e, di'ak liu, hodi nune'e bele hetan atendimentu sedu liu, no prevene tama ba iha situasaun ne'ebé hanaran sindroma insufisiénsia respiratória aguda (SIRA), ka susar/difisil atu dada-i'is.
2. Apela ba Populasaun hotu katak tuir dados positivo iha loron hirak liu ba ne'ebe ekipa Vigilancia Epiedologia hasai amostra iha Aeroportu Internacional Nicolau Lobato hatudo katak husi resultado positivo confirmado PCR husi ita nia Laboratorio Nacional iha dia 30/12/2021 no sampel hirak ne'e ne'ebe halo Sequencia Genomica iha Darwin Australia hatudo katak nain 2 maka positivo ba iha **Variante Omicron**. No nain ida ita lori ba iha isolamento no nain ida seluk mos halo Autoisolamento no nia familia ita halo Contact tracing no resultado hatudo negativo.
3. Ba populasaun iha Timor-Leste laran tomak, maski karik simu ona vasina, favor respeita nafatin regra prevensaun no ijiéne individual, ne'ebé Governu hatu'ur ona, atu prevene moras Covid-19 da'et ba mai. Regra sira ne'e, hanesan ita hotu hatene ona, maka: (a) uza máskara; (b) fase liman beibeik ho sabaun ka dezinfetante ruma; (c) evita kose liman ba matan, inus hoibun; (d) wainhira kumprimenta malu, la presiza ka'er liman, bensa-liman, rei-malu ka haku'ak malu; (e) evita halibur malu barak; (f) hamri'ik ka tur do'ok husi ema seluk, mínimu metru ida ho balun.

-ninin no rohan-